

憺

園

文

集

憺園文集卷第六

詩

詞館集

下

南歸塗中作

五首

霜葉未全落寒塘還細流  
碧天雲斂處宛宛掛銀鈎  
疲馬投邨店饑鳥噪戍樓  
素箏傾濁酒薄醉此淹畱

策馬不言倦吾心愜欲歸  
縱憐別愛弟最喜奉慈幃  
脩路愁雲暝寒天朔鴈飛  
故山風物好橘柚已成圍

十月天猶暖川塗更向南  
微霜濛野草初日漾澄

潭匹馬經行慣荒城風土諳故人欣並轡日聽碧  
雞譚

十載勞塵鞅神州數往還舊時嵇呂輩強半棄人  
閒白草荒殘驛黃雲護壯關山陽聞笛處灑涕一  
追攀

浩渺雲沙合青蒼樹木稠空傳神禹跡莫辨九河  
流車馬駸駸動年華冉冉道何方堪稅駕吾欲問  
浮丘

平原

平原城邑古海岱驛程分危堞依林靄崇岡澹夕

嗟嗟鴈影沒斷續鐸聲聞欲覓督郵醉銀  
已焚

霧二首

苦霧疑山雨迷濛不辨人縣縣連岱嶽森森下通  
津隊葉因風疾寒鴟叫野頻長安愁不見憑軾一  
沾巾

千里方爲客百年嗟此身已亡塞上馬看積漢廷  
薪跡類靈均放囊嗤趙壹負銅龍曉露濕曾憶侍  
楓宸

贈耿又樸編脩

惻惻聊堪寄。高屋懷舊。連芳臺。處是。猿鳥。下寒  
煙。綵服。故人。去。高軒。遊子。還。瑤華。勞。問。訊。遠道。思  
緜緜。

贈朱即山檢討

袞袞同袍列。驪歌不耐聽。杪秋看落葉。去驛似流  
星。獨爾遲驂服。偕予醉醪醑。前程尚畱滯。何日到  
蘭亭。

濟南逢又樸即招予同即山飲

不道灤源路。停驂值故人。入門觴已設。燒竹興偏  
新。小別疑經歲。耽遊未厭貧。笑予雙鬢改。衰颯欲

如銀

贈葉學亭姑夫

二首

黔陽萬里傳車還幾載鳴琴齊魯間才大豈宜淹  
墨綬官貧却喜住青山雉飛隴畝春犁集鹿擾階  
除訟牒閒新築史雲祠廟在清風千載共追攀  
疲馬寒霜過亂峰入門秉燭話離悰正逢蕭瑟將  
闌歲各訝風塵漸老容抵掌河漕天下計舉頭壇  
墀萬年封雄談豪興還如舊莫厭千杯琥珀濃  
任丘道中見王考功西樵題壁慨然成詠

新城王六謫仙才黃鶴驂雲去不回旅壁尚留殘

字在寒燈土銼有餘哀

河間道中見阮亭題壁

二首

是處揮毫駐客驄  
漁洋髯客興偏雄  
阿兄亦有郵亭句  
玉樹方悲著土中

古驛斜陽聽鐸聲  
分明棧路蜀山行  
讀君題句成

先識天遣才人過錦城

阮亭題句雨中鈴鐸聲  
如行蜀棧道後果使蜀

贈張芹江參議

松塵高談到月斜  
先生博物勝張華  
呼童徐進糟牀釀  
留客親烹蒙頂茶  
鎮日息機還抱甕  
閒時緩步當乘車  
女牆樹隱蓬門靜  
那識朱旛節使家

廣陵值吳意輔南還

郎署君方領五兵如何移疾厭承明  
九霄鑠鑠千門肅八口囊裝一葉輕  
仗節爭看挾彈客出關猶識棄繻生  
故人握手蕃釐觀零落瓊花問玉京

送張素存先生北上

才子江東羨季鷹龍飛早歲宴紅綾  
年華髮似兵曹換著作官猶史局仍  
扇枕暫時欣定省鞭車計日觸炎蒸  
時艱那得江鄉住葛越單衫別廣陵

分韻贈施愚山

海內風流屬鉅公青簾白舫五湖東  
來尋耆舊兵



青三  
戈後徧歷溪山暑暍中猿鶴難忘宛上宅煙霞欲  
號蔣陵翁蓬門幸得高軒至長記琴壺一夕同

題汪叔定小像

君家舍人弟示我林中圖明璫姹女列坐隅吹簫  
鼓瑟爲歡娛阿兄此幅何瀟灑頗似孤山苦吟者  
老梅盤梗月昏黃江潮無聲露華下二君風調何  
不同無乃類雍丘兩宋公兄也樸樸芸窗中弟也  
畫圖銀燭搖春風噫嘻吾聞梅花比美人亦聞美  
人況君子廣平一賦有深情知君寄託當如此捲  
還畫圖三歎息落花無言月如水

過秦始皇廟次壁間韻

宮窕春華石徑開何年秦帝六龍來金輿舊迹  
祠廟玉座殘碑蝕草萊仙島樓船空逝水驪山鳥  
鴈竟成灰我來酌酒巖扉下日暝悲風鼓角哀

海鹽同吳脩齡彭駿孫用前韻作

鹽官郭外霽煙開馬羣遺蹤問俗來百里風帆連  
浦激千畦井竈變汙萊海雲想像駕機錦潮信分  
明葭管灰東望扶桑幾萬里陽烏易逝不勝哀

同顧伊人赴雲棲出尊甫織簾先生倡和  
詩冊次原韻

爲向雲棲寺清齋設八關濃霜沾草樹寒鴈叫湖  
山客擁遺編讀人思野服閒冊有先生遺像燒燈蘭若裏太  
息損朱顏

題雲棲寺次韻同伊人作 二首

籃輿盡日踏雲根路接松篁到寺門斗大佛龕羣  
鴿繞雲連梵宇幾僧存久除豺虎邨人定還憶戈  
鋌白晝昏塔院巍然藏蛻處辦香今日勝慈恩  
不屬淖沱後代孫不分瀉仰與雲門真如本是西  
來旨密證惟須達者論一卷縹緗留翰墨百年餅  
拂閱朝昏鐘魚異代清規在老衲欬歔尚感恩

贈雲棲靜居上人用前韻

君是延陵季札孫，衲衣百結老空門。  
鄉關一別成長往，兄弟重逢好細論。  
乃弟脩齡同遊筇杖閒行泉噴薄，繩  
牀趺坐月黃昏。應知貝葉無多義，但取真脩報佛  
恩。

訪舜瞿禪師畱宿賦贈

亂山策杖到雷峰，一宿東林爲遠公。  
艇子截湖雲黯黯，鐘聲出寺雨微濛。  
承明遺蛻雕檐外，顯德荒碑碧蘚中。  
宗鏡寥寥五百載，今來重見古人風。

題方丈質課子讀書圖

世間萬事誰最樂爲吏廣平頌聲作況有佳兒能  
讀書瓊林照眼歡何如方公堂堂相門子高華閥  
閱丹青裏千騎南蕃擁節尊玉壺秋水清無底畫  
師寫入丹青妙神姿朗徹懸清照澄波萬頃想山  
濤長松千丈思和嶠膝前愛子神揚揚珠庭犀角  
容非常七歲玄文已能預十齡開口題鳳皇黃門  
家訓何整肅鈴閣焚香時課讀風簷背誦等身書  
雅韻琅琅夏金玉君不見韋賢傳漢傳一經太平  
相業詒玄成文正燈煙染書帳忠宣亦作熙朝相  
公侯子孫必復初渥洼況有神龍駒看取他年麟

閣上雙雙彩筆畫垂魚

戲題石林小像

舴艋乘潮廣陵客，葛越單衫煩暑迫。乍逢我友喬  
舍人，詆誚岸幘汪郎宅。雪色生綃，蘭氣薰誰家妙  
筆。寫丹青，參差花石羅清供。綽約雲鬟繞畫屏，娟  
娟靜態凝秋水。衣香鬢影紛羅綺，無忌寧須毛薛  
徒。謝公自愛東山妓，投壺擊筑滿曲房。劇憐七十  
二，鴛鴦世事紛紛總莫問。人生合老溫梁鄉，舍人  
大笑索題句。明日扁舟劃波去。

贈吳伯成明府四十韻

家本延陵舊才誇鄴下初袁江攜一鶴沂水赴單車  
三仕猶鳬舄羣情盼隼旗龍山峰從聳秀震澤水環  
瀦讓德懷虞仲雄圖想闔閭風謠存劒筑形勢控  
婁胥易俗存經濟籌時藉拮据停騶詢父老駐轡  
問樵漁黌舍材多有窮簷困久紆土風勤杼柚歲事  
惜菑畲百里寬輸稅千艘便輓輶鳥鳴雲閣靜鵲下  
訟堂虛政比烹鮮易才真游刃餘折腰勞且避強  
項志偏據覽眺忘迎送吟談理簿書篇章高沈謝  
賓客盛應徐驛騎郊原待壺觴候館儲三吳聯綺  
紵四海會簪裾珍饌分樓護綈袍戀范睢歌魚休

悵惘題鳳莫超超懸鑑清能似栽花錦不如分題

芍藥開讌就芙蓉顧叟癡藏葉秦生嬾荷鋤

謂脩遠雷仙

聞鶯柳欲醉聽雨竹疑梳泉潔高人竈松深佛氏  
廬綺疏開傑閣石甃淨寒渠秋水浮蘭棹春山命  
筍輿常將子墨戲不共麴生疎灑翰宗梁鵠彎弓  
服魏舒禱霖神蜥蜴博物辨鷄鷓鷀愛畫高懷寄彈  
琴俗累祛射奇驚曼倩行酒勝穰苴棄轄歡畱客  
吟詩謝起予他時貽錦繡今日奉璫琚夜館頻燒  
燭春園屢摘蔬眼青深意氣律煖待吹噓風雅欣  
如此循良孰比諸會看騰叱撥莫悵改蟾蜍薄宦



雖黃綬賢聲在玉除  
鋒車行被詔早晚佩銀魚

蕪湖二首

騁目亭皋草色萋  
鱗鱗雲氣碧天低  
江樓紅樹入煙暮  
水驛秋風估舶齊  
萬壑分流鄣郡口  
重關設險秣陵西  
故人騶騎逢何遜  
秉燭裁詩醉後題  
檣榜檣鳥不住啼  
波濤日夕齧荒隄  
推蓬遠嶂來天馬  
隔舫高談辨碧雞  
千里思家憐獨客  
頻年憂旱惜窮黎  
來朝風利過秋浦  
却恨忽忽便解攜

寄甯元著侍御

侍御昂藏海內無  
直聲蚤歲徹金鋪  
曾聞汲黯批

鱗直親見朱雲攀檻呼身退名還懸日月時危才  
豈老江湖中原羽檄紛飛急莫但狂吟醉玉壺

題汪蛟門小像

我友新安汪舍人家在茱萸灣口住傑閣江山一  
望開當軒只種梧桐樹高枝婀娜披清風密葉青  
蔥垂玉露隱囊麈尾足從容玉軸牙籤萬卷聚佳  
句流傳禁掖知勝懷已許名流慕昭陽有客擅丹  
青爾貌風流託毫素憑欄意思何翛然簾外松陰  
搖綠霧旁有女史顏如花靚服明妝簪翠羽手撥  
桐峰五十絃湘靈彷彿沅陽路

蛟門詞曰  
錦瑟集

君才卓犖薄

章句百尺層樓寄深趣歌管陶情聊復然達人萬  
事隨遭遇今日平原已買絲他年少伯看金鑄

送陳說巖詹事祭告北鎮

鑿閭山迴出龍城東帶驪江擁盛京鴈塞角殘烽  
乍息榆關春盡草初生詞臣奉冊陳牲玉才子行  
邊擁旆旌旦日仗齊金殿啓至尊目送馬蹄行

送潘次耕應召入都

簷雨如懸瀑看君舴艋行蕭條餘短褐倥傯嚴  
程鴻雪空餘跡鷗波舊有盟鄰鄰笠澤水遲雨濯  
冠纓

七月十五夜後山李氏園亭讌集分韻

涼夜初翻金井梧，招邀勝友足清娛。  
山連北澗秋聲靜，月掛中天塔影孤。  
十載繁華悲昨夢，一時羣展許吾徒。  
淒清重聽伊涼曲，應訝何戡鬢髮殊。

絕句 二首

泗濱禹貢稱名地，策馬來遊只亂山。  
堪歎治河無善策，千家隴畝碧波間。

征塗曉鴈帶寒星，石磴鈎連草不青。  
應是重瞳失路處，年年風雨吼陰陵。

宿州

自發竹西今十日版圖還復屬江東地高吳楚中原合路介河淮汴水通青犢多年餘廢驛白楊盡日起悲風相逢獵騎城南過寶轡雕鞍意氣雄

至大梁寄三弟

二十五首

門巷滄江寂莫居那曾十日斷家書自過揚子經淮汴月再圓時鴈字虛

蚤擬鞭車到薊丘故山雲樹復羈留中秋醉坐生公石重九詩題文選樓

昨夜慈幃遣信至平安細字手緘封重陽佳節霜楓赤親禮金仙上萬峰

阿荀羸病最關情  
篷底咿唔夜讀聲  
手挈書囊和藥裹  
茱萸灣口送吾行

乘潮東下建康船  
從子相逢第二泉  
阿萼牽衣頻致語  
是中醇酒暫須捐

仲也臨安使節畱  
東南竹箭定全收  
遊龍急騎傳消息  
正憶吳山碧樹秋

葉丈題詩五百字  
潘檀作賦一千言  
廣陵得句三汪好  
臨別蕭晨欲斷魂

有兒濩落歎無成  
夢裏天晝角聲豈  
獨弘農楊太尉  
憂來舐犢不勝情

自別金門歲月徂雕欄樹色未全孤誰家庭院栽  
紅藥畱得花師舊種無

苦憶故人盛孝章炎雲六月照行裝不知滄海波  
深處網得珊瑚幾許長

深悔從前饑輟餐何勞輾轉話更端驚波幾見翻  
雲易畫地方知作餅難

口銜石闕悲難語心擬彈棋局不平蚤晚圍爐拚  
共醉坐銷銀箭月三更

宣武門前九達達紅旗鎮日逐金雞縱饒桃李芳  
菲色寧比田家荆樹枝

渡船日晚到淮西共指黃河舊塌隄崩嵌琉璃堆  
萬頃可憐擢漿是遺黎

土銼寒燈感慨餘竹梧清夜憶吾廬昨朝墮馬闕  
臺下日日西風坐軟輿

牢落金塘蕙草枯東京舊蹟半榛蕪祇愁入洛逢  
人問長柄葫蘆帶得無

豈有良方鬢久緇豐碑古道冢累累金蠶玉燕終  
須出石犬銅駝空爾爲

公子賢豪結客稱夷門弔古客愁增侯嬴儻負酬  
恩願那得千秋重信陵



燕客張燈夜不歸  
吾宗開府舊相依  
經過畫戟黃塵起  
回首軍都淚暗揮

柘城榴子鄭州梨  
何減楊梅與荔枝  
支酒後飽嘗消肺疾  
老懷無賴報卿知

清齋吏散曉衙過  
廉訪門前設雀羅  
獨有高名徧河洛  
吾兄治獄活人多

金梁橋上獨閒吟  
撲面紅塵晚照沈  
最羨新安崔學士  
愛耽林壑謝朝簪

元戎幢節駐巖疆  
重鎮還宜計久長  
青犢綠林真險絕  
于今最急是鄖襄

憂時漫說鬚毛侵濟濟鵷班儼似林籌饒先須存  
國體用兵要在得人心

閩海榕城指日平五羊精甲舊屯營祇應卷旆南  
寧入直抵牂牁神鬼驚

送馬雲翎

慈仁寺裏海棠開珊鞭錦鞍雜塵埃中有佳人住  
精舍焚香埽地何悠哉憐君上書不得意蹇驢襍  
被歸去來五柞長楊鬱佳氣舍人狗監無良媒讀  
書奉母九龍塢長吟微嘯公不猜歸見吳融與秦  
羽須向花前飲百杯翻悲古寺題名客空蹋松陰

日幾回

題呂氏節孝義忠集

二首

吁嗟太傅公大名今古存成仁與取義結髮自討  
論乾坤鬱正氣歎薄相吐吞曠代乃間出如何萃  
一門世德爲家風譬木有株根惟公有大母秉節  
稱賢媛黃鵠誓不雙忍死心煩冤抱持一孤兒矢  
志永勿緩涕淚七十載不知寒與暄孤兒事  
甘旨勤晨昏孝義感天神篤行聞九閭皇天下垂  
聽延裕于後昆

太傅身許國中外資駁歷直聲帝所欽權姦目爲

側憶昔官畱都專征奮厥績狂寇日縱橫滔天勢  
奔迫長江無飲馬捍禦惟公力遭逢陽九運中原  
罹鋒鏑諸軍方援洛環疆十餘壁親王被菹醢一  
賊不敢馘公也憤所切氣欲吞強敵龍髯未及攀  
頸血先成碧二弟亦旋摧殺身以殉國義烈爭後  
先綱常互扶植有子振家聲卓犖箭鋒直雒誦抱  
父書楚些招忠魄風節在千秋榮哀無止息吾欲  
上史館彪炳垂簡冊

送孫杞瞻假歸省覲

四首

金精歟西照火曜方南沈牛女渡靈河行行起層

陰遊子戀庭幃躑躅辭禁林東門設祖帳離思浩  
難任貞固本金石垂隔俄辰參有情誰不戀聽此  
河梁吟

昔年彤墀上句牘名先後吾子天廟器光華爛雲  
牖至尊恩顧殊契合豈云偶直講秘殿中簪筆  
螭頭右灼灼御苑荷鬱鬱離宮柳侍從歲月滋輝  
赫聲名久嗟予已衰遲龍鍾成病叟空言廁龍尾  
玷名顏已厚感君意綢繆勗德期不朽

卿家蘋洲側碧水清粼粼堂前青螺岫堂上白髮  
人中旨許省覲恩寵禁近臣綺僚插天起藹

謫羅衆賓古人捧檄喜薄祿尚榮親矧茲陔華慕  
爛爛鳳詔新腸如轆轤轉恍惚隨車輪

明發出郊坰知交競相送笙聞子晉吹笛罷桓伊  
弄猗猗正憑陵視天猶夢夢君其念主恩望闕  
揚飛鞚與我猶一身契託豈同衆子荆真堂堂中  
朝仰威鳳千秋勛今名如子終抱甕

病中懷舍弟在武闡

蕭晨滯京邑寒霜滿幽薊黃花未云萎亂葉翻階  
砌終朝困籬條輾轉懷吾弟層城越綺陌寂歷重  
闌閉乖隔方浹旬邈焉若經歲邊陲未削平羣公

急康濟超距與翹關偉幹誰能儼匡時資折衝選  
材實至計戀此骨肉情奉命職匪細秉燭當夜闌  
哀鴈聽嘹唳浸淫病未已涼飈淒以厲撤棘復何  
時寸心獨縈繫

季滄葦舉子

歡劇南臺客維熊載夢時燕爲張氏玉蘭作謝庭  
枝鈿合還畱枕犀錢乍洗兒明年應照乘莫道孕  
珠遲

送顧伊在

燕山過雨玉河平餞客臨流此濯纓徒有賈生憂

國淚那無束，暫養親情津亭聽鴈當秋暮。驛路吹  
笳對月明，南過蔣陵尋絳帳。定知燒燭話深更。

送徐方虎編脩

憶昔子北來，青衫掩脰長子今辭國門，書錦生輝  
先往還。越六載，枯苑如分疆。以知稽古榮，力耕獲  
必償。所嗟逢世故，獬豸方陸梁。章縫適不用，邊事  
付蹶張。詞林職閒散，寥廓須高翔。粼粼餘不水，雲  
山莽青蒼。慈幃戀溫清，蓬徑欣壺觴。八騶豈足慕，  
適志聊相羊。平生感知已，千里常裹糧。秣陵結廬  
處，門近朱雀航。再拜問起居，撫時增感傷。鬱鬱金



斗城此是尚書鄉哲人已久萎上墓奠椒漿昔賢  
篤師友就養稱無方鉤黨輒自表報德永弗忘吾  
子篤古誼大義陳琅琅頗恨夸毗兒憤歎屢激昂  
飲酒止半醺胸羅百書倉經術資世用謀國胡不  
臧列史覽陳迹六籍遵先王琴瑟但更易寇盜寧  
披猖忽焉別我去攝衣涕淋浪贈以河梁曲思亂  
不成章秋風動關塞卉木摧繁霜努力慎自愛致  
君終虞唐

贈方少參千霄四十韻

斗極鍾靈氣名賢曠代生公才和鼎鼎雅量協樞

衡學必窮三篋文堪壓兩京槐階先得路薇省早  
蜚英擁傳珠官坐乘輅鴈塞行懸魚標峻潔攜鶴  
表廉平廷有徵黃論天廻借寇情南邦煩鎖鑰吳  
甸枉麾旌巨浸孤航涉連甍一柱擎封豨初抵觸  
青犢正縱橫候火江關逼吹笳草木驚戈船常下  
瀨突騎遂屯營續食疲秣送儲胥急踐更使君真  
福曜吾土作金城畫笏爲籌算藏胸有甲兵恩懷  
棲木燕威帖掉波鯨款曲求民瘼淵冲秉國成臣  
心銀箭直官況玉壺清杞菊衙齋飯羔羊道路評  
史雲遙並駕伯起實齊聲小草蒙存注高標許合

并折竹叨譜籍推分及紫荆雅誼投膠漆餘芳綴  
杜蘅春陽熙浩淼夏屋蔭崢嶸每欲鐫銘頌時同  
驂竹迎及茲逢降嶽欣與祝長庚冀茲祥初驗扶  
搖路轉亨清香凝榮戟綵服映蔥珩壽母懼于鶴  
佳兒秀若瑛板輿扶月穩銀艾受風輕華藕常堪  
雪淞鱸脆作羹仙翁扶玉杖姹女奏鸞笙璇斗經  
天朗台精照地明自今迴曜曆便合埽欃槍雉尾  
延開府螭頭寵上卿無勞問鉛汞真已到蓬瀛偉  
矣旂常業皇哉竹帛名崔環人擬獻葵日我先傾  
敘德慚窺管抒懷悚報瓊擊轅聊有頌郢曲不

堪虞

董得仲諸乾一過訪

繫纜滄江日未曛  
足然雙屐慰離群  
到門野鶴迎春澗  
入坐奇峰亂夏雲  
白氎幾層懷襴刺  
青山那管薦雄文  
細林仙館東余屋  
舴艋乘潮一訪君

三弟然雲閣六月梨花

二首

寧知三伏日爛熳  
發瓊枝消暑園林  
勝銜杯河朔宜紅  
蕖光映帶霜鶴影  
參差好事偏吾黨  
停驂競賦詩

別業經營就移根  
自土林亭亭忽吐  
萼冉冉欲成

陰粉蝶晴相亂銀蟾晚欲侵炎天冰雪在長識主人心

同吳菌次志伊石葉陳其年姜西銘李武曾過隱湖訪毛黼季和菌次韻

招攜仙侶共輕舟菴藹春光覓舊遊  
襖閣客來三已會虹橋水滙七星流  
筍輿窈窕將尋約玉軸摩挲得暫畱  
曲室尚聞藏萬卷那容排闥舞陽侯

藏書密室志

伊欲入不許

疊前韻贈菌次

十年憶上木蘭舟春晚溪山選勝遊  
露冕使君真

跌蕩當筵祭酒最風流

謂梅邨先生

家浮笠澤雙橈穩淚

灑婁江一笛愁老去勝情殊不減書鞭倚馬讓君  
俟

百花洲歌贈金長真觀察

啼鶯細雨垂楊樹疊鼓吹笳官舫住麋鹿蘇臺未  
走時傳是吳王行樂處陵谷千年幾變更寒煙蒲  
葦望縱橫蕭齋古堞餘殘碣茂苑芳洲記舊名使  
君按部雙旌至停楫中流興遙寄入座論詩愛老  
蒼扣舷載酒紛車騎銅盤銀燭生輝光玉漏迢迢  
夜未央喜聽櫻桃歌落月慣看鸚鵡舞當場賓朋

清中  
文酒歡今夕莫問關山戎馬劇綺榭新尋永叔碑  
迴廊重闢王珣宅青溪春老促歸舟曉日驪駒未  
肯畱不是使君來駐節那教人憶百花洲

走筆題長真小照

海內風流屬會稽長干仗節乘青驪我來官閣日  
再過急管嬌歌惜解攜當筵捧出鵝溪綃索句拈  
毫逢勝餞壯武脩長宛岱松濬沖光爛如巖電建  
業繁華六代餘涼風處處開芙蓉爭傳驛騎能迎  
客況復清齋好著書如公意氣天下少繡絲直與  
平原肖正期勲業炳丹青莫值風光但吟嘯別公

信宿渡江行挂席金蕉一葉輕那得隨潮日西上  
清風常傍石頭城

題金在五小像

會稽佳公子翩翩鸞鳳姿袷衣匡坐藉蕉葉凝眸  
展卷堆隄麋謝老丹青傳江汜貌君丰神湛秋水  
嘯志吟心寄碧空何人懷抱差相似憶昔逢君宣  
武門君家嗣宗共竹林即今復過秣陵道筵開官  
閣張華燈黃憲姜肱吾好友謂仙棠西冥意氣推君古無  
有聞詩常見伯魚趨作賦豈居王勃後願君蚤向  
碧霄行波濤鼓棹橫海鯨隱囊塵尾勿復道努力



千秋成令名

雪客別予揚州歸爲太夫人壽

秋半雷塘蕭瑟風周郎一葉歸江東廿四橋邊挂  
帆去便欲戲彩高堂中高堂有母當設悅玉茁蘭  
芽繞階砌六十星霜似逝波廿年荼苦同甘薺侍  
郎苦戰射烏樓文犀惹以謗未休萬人號叫聊城  
箭幾載蒙茸請室裘金雞乍下銅龍裏萬事升  
沈轉頭異閱盡風波住蔣陵碧窓無燄殘燈淚我  
歌勸母勿復哀有兒彩筆真雄才筵前麗曲三千  
首一曲須傾一百杯

將之九峰寄諸乾一

四首

十年曾約九峰遊，辜負瑤華歲月流。  
瀟灑琴壺傳好事，參差樓閣冠曾丘。  
龍吟絕壑潮聲細，鶴唳閒園花氣浮。  
寄語山家應埽徑，明朝高會碧山頭。

海郡霏微九點青，紆餘谷水接林垌。  
懷賢千載名常在，脩禊群公屐每停。  
到後賓朋畱譜牒，傳來詩句當圖經。  
玉山佳處榛蕪久，百里今看聚德星。

一卧滄江歲月徂，季鷹逸少是吾徒。  
狂吟那少詩千首，豪興曾聞飲百觚。  
白髮著書推董相，謂得仲紅牙

顧曲識周瑜

謂子

此中饒有青雲侶，得句爭探象罔。

珠

夢弟詩才謝惠連招邀同上木蘭船紺園重到懷  
朋舊梓澤初逢記歲年釋勸幾人偕鳳隱逃名有  
客愛龍眠鶯花三月春如海看取當筵醉謫仙

抵青浦

竟日行吳淞林木乍蒼蔚桔槔人語喧欸乃櫓聲  
沸推篷客對談往復辭苦費日暝烏亂啼矚目發  
長嘯滄江有卧龍鬱鬱見雲氣

贈祝子堅

三首

書契易結繩煌煌垂六經微言與大義昭揭如日

星後儒多穿鑿撞鍾或以廷燭龍照萬物燭火何  
紛管卓哉蘭谿叟羹牆感精靈縱橫解沈疴滾滾  
溯典墳豁然埽雲霧舉目窮青冥

平生願經世所志在管葛尚論李贊皇求治若饑  
渴江陵及新鄭紀綱甚明達苟非命世英時運誰  
能撥王政重食貨詎遺錐刀末懷此救時心侃論  
非迂闊可惜奇偉士窮年老禔褐

君年近八十矯若千尺松逶迤渡錢塘蕙然來吳  
淞握手在春晚夏木忽陰穠別子歸故國後會何  
時逢君家谿山好合沓環芙蓉谿水碧于黛灘聲

日淙淙逝將謝塵鞅杖策來相從

耳聾 二首

池館風翻芰葉青病餘徐步尚矜竝一朝耳忽鳴  
征鐸萬籟聲俱入窅冥已矣五官強半廢儼然雙  
柱歛無靈帝廷不少鈞天樂祇好憎騰夢裏聽  
連宵兀坐自吟哦寂歷空堂病未瘥客至曾無躡  
足語憂來只有仰天歌虬蟬鬪處寧關我牛馬呼  
時一任他欲比鷗冠傲巢許臨流不用洗清波

送錢飲光歸桐城

昔從姚雄縣讀君田間詩託義本風騷盡埽繁靡

辭擬古並陶謝近體亦維義三復想其人何處見  
容儀歛然來京師嘉會廼在茲衮衮聽言論日昊  
恒忘疲並繼遊西山巖館落松枝燭跋見明月酒  
闌及朝曦洪鐘無停響鳴泉聲參差同遊金閨彥  
但恨交君遲敘述平生事委曲亮不欺惟君少卓  
犖高冠佩歲蕤抗節忤姦佞鉤黨歷艱危邏卒徧  
吳會隻身奔天涯名士遭顛躓亡國亦禍基建業  
遂傾覆往事真著龜閩江復嶺嶠立君如博基蒼  
梧啼山狄炎海擘荔支一官萬里外黽勉盡職司  
將驕主權替喧塵空爾爲解組依浮屠落拓荒江

渭長吟暨短什足備史闕遺歸來蔣陵隱那堪西  
河悲平子賦四愁伯鸞歌五噫浮家但騷屑嫵節  
無磷緇孤蓬泊富春芒屨陟武夷谿山夙耽癖老  
至猶扶藜尚書如蘭契驛遞尺一齋招邀赴燕薊  
開閣斟醪醕躡履坐賓席濯濯冰雪姿紛綸辨經  
史瞠目或奮髯此學易旣絕編說詩必解頤一時冠  
蓋侶競欲識戴逵以茲予弁鄙末坐亦相隨尚書  
倏徂謝賓客散履綦徒步獨痛哭牽絋路上陂感  
舊輒慨慷憤時恒嗟咨斂予罹荼酷間關臨茅茨  
上階問不淑執手垂涕洟三載數周旋直諒多誨

規畱予春澗屋借書免用瓶縱橫述墳典妙語  
纍纍群言歸折衷疏豁少滯疑俗客見即避心賞  
乃命卮削簡誅姦諛青霜挾毛錐故友半黃壤結  
念平生知荒阡哭宿草到處淚漣漣薄俗敦古道  
此翁世所嗤鮮民脫黥綽王程復有期予將赴北  
關君復還東籬共載過牛渚江水空瀾瀾班荆在  
何許對酒傷別離君家傍龍眠巉巖產神芝那無  
仙人藥足駐顏色衰驥子擅詞賦出入賴扶持聽  
讀且課耕老懷足歡怡當代徵文獻舍君復數誰  
努力加餐飯合并會有時援筆聊此贈長喟當路



岐

贈俞彙嘉別駕

掞天才已擢延英年少初分半組榮  
賈誼治安空痛哭相如詞賦勝科名  
龍媒乍見河庭出蜃氣還應海市生  
分手正逢紅葉候茱萸灣口獨含情

憺園文集卷第六

憺園文集卷第七

詩

碧山集上

題汪蛟門舍人百尺梧桐閣圖

蛟門喜摹韓詩即效其體

舍人勁挺善長句穿穴險怪工幽探瘦蛟怒劈古  
澗黑角鷹猛抉秋雲曇生平得力在韓杜傍及蘇  
陸皆所耽磊落詎屑註蟲豸跳盪直欲追彪彪長  
安五日一休沐懶惰間或稽朝參軸簾古帖襲番  
錦綈几小袖頽雲藍家山舊有百尺閣雜植梧翠  
陰鬚鬚晚涼一陣滴硯北朝爽四面來江南龍眠  
侍御妙烘寫搜剔佶屈窮雕勘似將身入袁家渴

頗訝景似松寥龕君家閣子我舊諳清絕一氣何  
竊覃有時更倚一層閣看爾潑墨蟠春蠶

贈金孟求中丞

門第貂蟬起沛豐 主恩優渥錫彤弓廿年禁近  
聲名久千里皇畿鎖鑰雄玉帳恩波消朔氣牙旗  
霜月捲秋風只今買犢盈三輔盡說中丞保障功  
保陽贈同年沈國望

十年不見沈休文右輔朱輪異績聞笑我鬢毛真  
似雪看君意氣尚如雲乘春惠澤濡千里轉饒歡  
聲動八垠官閣焚枯判夜飲酌天寒月白紛紛

送黃葉園視鹹河東

平陽蒲坂古帝都河中重鎮雄西隅解池鹹利資  
國計桑孔挾策窮錙銖或言厲禁起偏霸漢庭論  
難不相下魏時持議有甄琛後來征權終難罷方  
今爨棘苦用兵軍符搜括催南征但須稍存勤恤  
意何妨強爲蒼生行江夏黃君擁騶御受詔河東  
按鹹去謀國寧當竭澤漁籌時好借當筵箸吾家  
舅氏顧彥先結廬近在蓮峰前安車折簡肯延致  
爲君滾滾談陳編

送人官湖南

落花如雪送征輪南楚迢迢結綬新鉦鼓五谿方  
轉戰可能還問武陵春

送陳子萬還商邱

燕山五月火雲深送客揮鞭御柳陰萬卷賜書先  
世澤一官薄祿古人心思兄夢得池塘句對婦愁  
爲雒下吟期爾清秋重握手雙松古寺酒同斟

除夕前一日同方虎次耕飲

殘年纔兩日朋舊好盤桓酌酒消長夜圍爐辟晚  
寒銀魚堪薦匕霜橘蚤堆盤伏臘添鄉思同嗟繫

一官

正月十七日曹頌嘉祐同吳志伊嚴蓀友  
朱錫鬯汪蛟門舟次喬石林潘次耕家  
勝力電發飲作歌

六街沈沈火樹歇春風吹動官梅發曹侯開讌會  
衆賓樺燭高燒待明月月色依微瞰步櫚當筵如  
沸碧雞談三館軒騶盛才彥一時耆舊推東南人  
生嘉會豈偶爾浮君渌酒蘭陵美百觚十榼擬聖  
賢淳于斗石良爲鄙就中潘岳與朱游雅量頻傾  
白玉甌汪郎興狂發嗚呼弟兄才調雄歛州吾家  
二妙瑚璉器頗能奪幟草山頭嚴安吳隱遁爾笑

持觴不語靜者流惟有白田飲量窄喜與酒人相  
獻酬慘澹拈詩或隸事喧逐射覆兼藏鉤魚鑰遙  
遙夜過半那知顏魄西南流西鄰邸第學士居茅  
齋容膝陳圖書雙騶踏霜行過此五更入直承明  
廬吾曹那可耽麴蘖內省自訟憂居諸主人酩酊  
尚畱客皂輿執燭排門除別君且須訂後期山堂  
襖日供枰蔬衮衮諸賢在省闈躊躇莫漫焚銀魚

正月二十七日官軍收復成都保寧 午

門宣捷恭紀

威行梁益部捷奏建章宮九陌歡呼遍千官舞蹈

同禁城春雨外仙闕斗杓東冀落過元夕星迴驗  
八風疲吐勞 睿慮荒服厯 宸衷妙算三軍稟  
飛書萬里通憶初騷六詔累歲伐三朥賊隊紛于  
蟻妖氛黯似冦威弧元灼爍晴旭正瞳矐閩粵旋  
歸命涇原敢怙終游魂餘絕徼逆孽剩狂童王應  
猶蟻蟲劉稹本蠛蠓兩川形最險六載寇方訐鎖  
斷巴江碧燒殘閣道紅一夫成猷猱七姓作沙蟲  
井絡天懸縋彭門地鑿猷鼎魚驕圉圉兔窟走憧  
憧頓甲環三輔飛芻過九峻折衝誇燕頷制勝倚  
重瞳 廟畧神批亢 天威迅發蒙鋒車馳學士



密敕授元戎鳳紙裝縑袞龍文襲錦幪恩踰操玉  
斧寵勝錫彤弓乍聽鳴笳鼓俄看埽蟬螭先聲拔  
柵猛奇計裹羶雄鐵騎重關會金鉦兩道攻葭萌  
趨閬郡平武向資中江過嘉陵曲山臨玉壘崇青  
川開院塞白水失朦朧一鼓收縣雒崇朝定梓潼  
戈驅突陣豕鞭截飲江虹槁葉迎風墜春冰見覲  
融前茅排鸛鶴禁旅接羆熊精甲從天降兇渠入  
地窮長蛇膏劒鏑困獸縛車釭馬服眞名將龍驤  
本上公同時資羽翼一瞬競飛翬不數岑吳績休  
論會艾功壺漿來犍婦歌舞雜巴童晝拆安廬舍

春耕播種種間閭應衍衍隴畝漸芄芄此地遭青  
犢當年劇亂蓬人家葵井在城邑芋田空荆棘封  
磐石狐狸嘯射洪哀絃聽杜宇瘦語覓芎藭三紀  
勞生聚千邨稍鬱葱那堪重躡躡何計慰疲癯驅  
迫偏茶酷瘡痍切慘恫生涯愁駭鹿物力歎枯櫟  
泛泛巢林燕嗷嗷叫澤鴻及茲濡雨露多幸脫樊  
籠再覩雲中日重生爨下桐輜軒將李邵輻蓋擁  
文翁亂定忻徭息時平祝歲豐支機披蜀錦釀酒  
醉郫筒惠化停車鄧威名坐樹馮徑須開鶴甸不  
獨割蠶叢破竹鋒迎刃磨崖柱勒銅仁聲漸洱海

武略震崆峒玉燭調時序金泥告岱嵩普天霑潤  
澤渙號走靈霽受賁咨重譯垂裳達四聰格苗虞  
化遠征扈夏勲隆拜手陳詩頌含生仰化工

瀛臺

恩宴詩

四首

佳會屬休運泰階景昌期文軌南北際侯尉東西  
垂昆明養蠹違命丹浦暫興師五材民並用廟算  
百不遺止戈聞自昔脫劒方及茲皇矣降豐年膏  
澤無偏私兩岐旣書瑞六穗盈華滋聖情始悅  
豫宴鎬戒有司

滄池多菡萏菱蔓漾清流崇臺臨水榭爽氣當新

秋 聖人坐迎薰卷阿欣來遊太液波決潯容與  
擢蘭舟嘉樹蔭文石碧澗通潛虬長筵一何綺

尚方多珍羞雲藕纔出水錦鱗始上鉤紫苞及綠  
房累累錯觥籌眷茲高厚思土壤焉能酬

筐筐有勸侑具僚愧嘉賓拜賜欲就席有命自天  
申古也無算爵宰夫爲主人茲爲省煩縟藹藹羅  
朝紳但使無不醉毋爲辜良辰油油三爵餘歡言  
共飲醇旣辭無虛歸分攜席上珍顧瞻九陌上日  
暮紛車塵

觀頤自養賢次乃遍里閭庶物何偕旨 聖人慶

那居紮極偶宴暇旨酒侑嘉魚今日樂相樂何當  
更大酺弛力先給復薄稅仍捐租萬井皆晏眠不  
聞吏追呼兩階舞干羽庭鳳儀有虞蓬蒲知送涼  
蔚然生御廚滄溟爲九醞太尊置堯衢慚無雅  
頌筆聊用陳區區

喬石林編脩邀諸公飲醉後題雲湖卷

高齋客醉停杯觴摩挲綵几開縹囊主人深意託  
豪素展卷鬚髯尋滄浪白雁翻飛荻花裏颯颯秋  
風落蠶紙誰歟寫生妙入神淮南舊記雲湖子緬  
昔成弘全盛時孝廉才名天下知身披敝褐謝朝

貴手持短策行邊陲狂來潑墨飲一石三公萬鍾  
那足易丹青詩句在人間藤角尺餘如拱壁此卷  
傳來二百年風流想像真神仙玉堂才人愜清賞  
酒酣衮衮談前賢東華紅塵高十丈搥壁王融殊  
怏怏不知我志在滄洲萬里鷗波秋浩蕩

送侍御念東先生

二首

徵書昨歲遣蒲輪一載君恩許乞身萬里晴空  
餘老鶴五湖浩蕩有潛鱗同時祖餞傾名士到處  
谿山訪異人却笑漢廷疏廣去賜金誇耀里閭頻  
年光晚晚客情多白首尊前發浩歌天上歲星知

曼倩人閒居士問維摩久期汗漫遊溟渤乍喜飛騰謝尉羅疲馬蕭條灞陵路任他醉尉夜相訶

萬柳堂陪益都公讌飲

絲綸閣外唱彤駟攜客還爲杜曲遊種樹已成金澗勝鑿池初引玉泉流綺堂晴帶千峰秀碧宇雲開萬井秋醉吐車茵何足道夕陽洗爵重淹畱

溫泉十六韻

靈液流芳甸溫濤注苑牆澤因儀鳳麗源爲濯龍長地脈煙霄上天河日月旁甘分九華露潤浥五雲漿仙鼎偏能沸丹砂本自香從官瞻豹尾遺俗

問漁陽上善尊川后涵虛讓谷王醴泉踰建武神  
水邁咸康黃屋山當牖蒼池石作牀碧蓮開藻井  
翠荇接芝房 聖母時來幸怡顏樂未央蠲疴功  
莫尚駐老孝彌彰調劑中和氣淳涵紺潔光四時  
常補益一節閑炎涼本不容瑕垢何妨示激揚濯  
磨思自效精白奉吾皇

題張力臣小像

二首

五嶽曾探岫嶠書年來雙鬢轉蕭疎從誰辨得師  
春字好爲遺經正魯魚

奇字揚雲未渺茫茂先家學在中箱對君轉復思



元歎灑淚風前誦渭陽

力臣方爲舅氏亭  
林校刻音學五書

送張敦復學士

四首

近臣乘傳出皇城拜疏春風此一行  
驛路籠鞭垂柳暗青門攬珮映花明  
嵯峨閱懸忠孝重疊絲綸荷寵榮  
自是心飛烏鳥賦九重應識玉堂情  
螭頭日日侍重瞳十載香煙兩袖中  
燕國文章藏禁苑曲江丰度賞宸衷  
說書近識天顏喜歸院遲占帝眷隆  
共羨太平今學士都人爭擁五花驄

臨行寵渥自天申

溫語丁寧屬望頻舞鳳

賜題飛白札流鶯送出未央人斑斕錦綺霞光燦  
錯落朱提寶氣新異數古今驚未有千秋焜耀皖  
江濱

同時豹尾接陪遊奕奕真居最上頭清切瞻星猶  
在眼分張零雨不須愁即看馬鬣封三尺竚見鋒  
車返十洲鄭重聖人勤顧問故鄉畫錦莫遲留

爲宋牧仲題畫

五首

曲澗疎籬似若邪草堂隱隱野人家阿誰寫得荆  
關意頃刻橫飛六出花

柳絲吹處影參差忘却漁陽六月時莫苦炎天塵

十丈輞川今有畫中詩

廉州太守老風情墨妙營邱讓後生水部才人心  
賞絕攜來粉署玉壺清

枯樹茅簷凍未消遙山一片架瓊瑤若教鄭祭尋  
常見詩思何須在灞橋

手把丹青意惘然玉峰朗朗照庭前故人異日如  
相憶著箇山陰訪戴船

奉和大司農棠邨先生韻贈歌者邢郎

四首

中宵鑰靜聽笙璫三五佳辰素魄高好似華林饒  
衆卉一枝綽約是穠桃

窄袖羅衣穩稱身  
雛鶯細語恰初春  
尚書好句新題就  
明日都亭看壁人

曲房清夜奏仙璫  
羯鼓聲停樺燭高  
雪面紅兒鸞鵲舞  
一簾初日射天桃

騎羊年紀簸錢身  
小小芳姿壓衆春  
鸚鵡前頭休道姓  
還應妒殺尹夫人

贈侯大年

青綺門邊木葉飛  
行人九月綻寒衣  
掀髯漫笑吟詩苦  
彈鋏虛憐久客歸  
薄海征徭邊堠急  
頻年水旱爨烟稀  
君才豈合風塵老  
莫向滄江買釣磯

送孫樹百給諫典試閩中

三首

夕郎辭省闈銜 命暫南征本爲求才急偏勞叱  
馭行鳳城初喜雨鮫海乍休兵發軔當三伏迢迢  
數客程

比鄰來往密詎復世情中讜論殷謀國清談快發  
蒙星移官驛柳霜老掖門桐記飲般湯酒鈞盤膩  
燭紅

樹百家  
釀極佳

蟾兔初生影三山擁傳來莫嫌荔子晚正喜桂花  
開別思關河動狂吟笳鼓催閣門封事少待爾急  
裝回

辛酉除夕和舍弟立齋

二首

歲晚深居畫闔扉蕭然齋閣共襲衣流年繾綣難  
爲別永夕團圓未當歸采樹一庭霜鶴瘦瓊絲三  
食蠹魚肥休嫌狷介難諧俗時論寧云白璧非  
欲飲屠蘇發甕醅騰觚少長迭相催送寒風遶嚴  
城鼓破雪香探小閣梅焚草空慚袞職補懷金敢  
爲故人來明朝殿上元正會醺醪還斟激盞杯

題友人小像

承華有名彥婉戀懷雙親一朝辭閭闔便作澹蕩  
人畫圖索題句顧愷添毫真霜樹風瑟瑟石澗波

粼粼千載浣花叟棲託偕隱淪我亦謝簪紱扁舟  
來問津

送友

畱君不住鬱陶多門外驪駒可奈何快意底須五  
鼎養感時還作四愁歌寒霜蚤著金臺樹秋雨平  
添潞水波三載朋儕繼繾綣意他時稽古定相過

寄曹秋岳先生

二首

皇朝敦舊齒下詔趣蒲輪皤皤黃髮叟旁求勞  
紃宸臨軒遣使者笙簧待嘉賓豈無典型老林藪  
甘沈淪先生蓋代才懷抱希世珍薦牘徹天閭舉

朝慶得人引領公車府監令得庾荀爲守遂初意  
堅謝東華塵五湖弄扁舟往來狎遺民梨花雲漠  
漠可望不可親

嗟予纔綰髮屈首事誦習博瞻服茂先弇陋媿難  
及發憤購遺書蒐羅探秘笈從人借鈔寫瓶甌日  
不給側聞曹氏倉積書如堵立裝以紺琉璃重以  
錦繡襲漆文旣發魯殘竹或穿汲昔稱三十乘較  
書慙搜葺矧予保殘闕嘗苦心力澀願言解纓組  
藤箴自負執一窺未見書爲解飢渴急我公年杖  
鄉神采何艷熠黑髮面渥丹焉用飲砂汁因風祝



大年卮酒侑篇什

范母表節詩

迢迢幽澗陰鬱鬱秋蘭芳託根豈不深鄉澤何飄揚結髮事君子十九稱未亡環瑱輟犀奩膏沐停晨妝柏舟有貞誓峻節凌秋霜荏苒三十春雲鬢俄已蒼昔日乳下兒令器成珪璋賢兄登廊廟赤紱佩葱珩根荄念同生馳譽于公卿聖朝崇懿則龍書賁遐鄉巖巖列雙表高門遙相望竹帛載高義奕世揚輝光

脩禊

二首

芳蕤令節菴藹暮春農壇穆穆雉堞鱗鱗是維  
杜曲停彼朱輪靈雨載降濯故潔新

二曜運循環萬物肇橐籥龍蛇有蟄伸卉木互榮  
落窮陰雪初霽芳飈起華薄顯晦詎足常聊爲泛  
輕爵

舟次蛟門東川移酒岷瞻書齋邀同嚴存

菴舍弟果亭小飲用亭字

三首時舟次奉  
使疏球將行

群賢載酒子雲亭滾滾高談岸幘聽愧我三秋頻  
伏枕有人萬里欲揚舲佳辰送客難爲別勝地銜  
杯未易醒抵似蟾光三五夜銀河匹練炯秋星

上林瓊樹自亭亭小鳥低巢倦刷翎漢主築宮還  
避暑侍中奪席爲譚經千羣羆虎馳窮塞七德歌  
詞奏廣庭爛爛文昌妖魅滅不須杯酒勸長星

蕭蕭梧竹戶常扃數子經過眼倍青曉入掣鈴趨  
禁苑晚來隱几坐茅亭臨池閒寫來禽帖灌圃常  
尋種樹經莫道深居似巖壑朝朝馬上看參星

送蔣莘田之官粵東和舍弟韻

二首

帥漕南越去猶著薦冠行諫草存臺閣霜威逐旆  
旌百城收海瘴五嶺勸春耕千尺珠江水泠泠月  
共明

蕭寺盈觴酒恨恨欲別難正當春禊後又值海棠  
殘祖帳群公餞行車百粵看三瀧無雁到何日度  
危湍

癸亥除夕

重到京華幾歲除懜懜此夕獨愁予蘭臺初報蕭

生黜

立齋初罷  
柏臺任

蓬徑深藏仲蔚居

果亭  
家居

三殿星霜徒

執簡千秋筆削未成書虛糜廩祿慚何補只合東  
臯學荷鋤

甲子元旦

候曉銅龍會搢紳鑾輿還蹕奉明禋羣公劔佩趨

長樂萬國冠裳謁

紫宸光祿瓊筵元會設

是日初設漢

侍中雅樂九霄陳

樂章新更定唐開元元旦奏太和侍中源乾曜所作

殿頭佳氣氤

氲甚偏少南司獨坐人

和舍弟除夕韻

舉扇西風那蔽塵翻憐鼎鼎百年身未忘哀樂方  
中歲纔罷朝參已浹辰羅雀本無廷尉客上書應  
憶茂陵人軒車紫陌喧除夕竹葉梅花報蚤春

和舍弟元旦韻

三年風議出承明霜氣人傳柏府名楓陛乍辭元  
日會蕭齋却喜步欄情銜恩白首傾葵藿隨分

清觴供粥餠手把君詩堪送老破除塵慮獨和平

送趙玉峰中丞出撫兩浙

四首

清時澄海甸聖主顧東南烏府中朝傑青驄上路驂  
曉飛吳地雨春放越山嵐政暇陳風土雙旌禹穴探

南國今賴尾來蘇在眼中女桑蘋渚綠奴橘爛柯  
紅布穀犁春雨眠蠶戒午風田家勤作苦生計屬  
吾公

千里看移鶴三公得佩刀吳山駢玉馬江草冒蘭  
舫土瘠休鴻羽時平偃豹韜春農今正及心惻問

民勞

有語非爲別蘆溝拂正攀白雲遊子意黃髮老親  
顏燁赫開新府沈吟想舊山心隨旌節去流盼到  
鄉關

寄汪鈍翁

三首

文章載道器誰曰小技爲作者雖紛綸六經乃根  
基根蠹華不實枝葉徒歲蕤哲匠亦代出寥寥知  
者稀先生探道要起衰託脩辭貫穿經史奧矩矱  
先民遺論文慎許可得失了不疑毘陵震川後代  
興諒在茲

代興屬清時得君繼良史郎署二十年晚登金華  
陞石室抽藏書是非浩煙海隻字嚴褒譏論事羞  
骹骹大匠斤成風他人或血指予交媿雲龍託契  
申蕙蒞誰言龍性馴掉頭乃脫屣一夕秋風生鴻  
鴈已千里

鴻鴈事高尚結構堯峰巔鑿牖面蒼翠開簾映  
紅泉雪水流寒澗梅花澹空山山中有喬松茯苓  
產其根土肪閎靈異怪若鳥獸蹲青冥儻可勵持  
此奉延年

送潘進也之官西寧



憐君嶺外返燕京暑暍秦涼復此行朝命屢頒憲  
府敕君恩終記省郎名萬山策馬營平壘列塞  
鳴笳禿髮城共說羌人拜都護河湟從此定銷兵  
嚴存菴以病請告有旨慰畱詩以贈之

次杞瞻韻

四首

家住孤城擬乞身諭畱恩詔自天申久知彩筆  
干霄漢共喜嚴廊得鳳麟中禁黃麻承密敕尚方  
珍藥捧溫綸玉堂仍領承華署舊是傳臚第一人  
夾山好比富春灘雞樹何曾戀一官密勿曾參鳳  
尾詔逍遙那許鹿皮冠連宵斷酒真成病鎮日吟

詩爲減餐鬱鬱東岡丙舍在 君恩難去淚闌干  
憶昔招邀倒玉尊客來無復語寒溫星霜幾換懷  
朋好海嶽難量戴 聖恩早晚振衣排 紫闥一  
時輟筆祖青門試陪行樂尋佳景別館山莊舊履  
痕

交親孫楚望衡居同被華纓到石渠青簡正須看  
吐鳳碧山那可便焚魚彤駟緩唱偕趨直樺燭高  
燒共校書絕頂蓬山逢好友雲霄酬唱樂何如

恭和

聖製甲子冬至幸闕里詩十二章

并序

臣聞禮樂之祀百世不絕道藝之宗萬  
禩永守泗水松楸之地殿接靈光稷門  
絲竹之堂里歸通德玉弩載驚而後俎  
豆攸崇金書遞出以還牲牢無闕我

皇上以神聖之姿致雍熙之治兩階樂正簫韶昭  
秉歷之符三禮秩宗珪璧有成功之瑞  
山川協應日月光華用徵肆覲之儀遂  
行時巡之舉於時星紀司歷陽和動  
管商雲不散榮光竟天駐蹕之亭翼如  
講樹之壇旣埽行宮停輦致享靈祠

舊宅捫碑式瞻古殿智源溢涌文檜龍  
葱集四氏以加恩進諸生而講藝爰揮  
睿藻丕煥宸章懸針垂露之書綴  
玉編珠之句雲霞標舉星日照垂加以錦  
綺紩裘綠函朱額恩施至渥賜賚  
有差矍相圖前五輅耀參旂之采坤  
靈洞外六龍御蒼玉之衡此曠世之弘  
恩實聖朝之殊遇小臣不敏敬誦和章  
陋製無文聊陳一得云爾

紀瑞符三五觀民軫廟堂山川脩玉幣禮樂見羹

牆捧額  
頌垂裳

王綸出披圖輦道長遭逢真盛事拜舞

十五

六代臨雍禮先諮政事堂犧牲陳玉版翟籥隱丹  
牆泗水麟蹤杳尼山鳳德長生平仰止意翠殿戒  
軒裳

七萃晨傳  
旨期門集射堂龍趨聲動地鸛列勢  
連牆榮露迎旗濕交柯傍輦長道旁多望幸父老  
欲沾裳

丹霞仙仗外  
法駕泣明堂  
帳殿迎花徑旌門  
映女牆一牢禋祀遠萬騎羽林長陽氣葭灰動和

風拂繡裳

龍駢瞻廟貌攝級獨升堂喬木排青闥倚蘭繞畫  
牆承雲歌曲渺飛鷺舞容長奠瘞櫺星路彤霞簇  
御裳

亞獻羅牲俎三終合樂堂穆皇深禹拜髣髴見堯  
牆彝器匏尊古靈文繪紐長應嗤仙李廟七德舞  
霓裳

暮草靈光殿寒風詩禮堂六經分帷幄四庫按門  
牆爐篆縈香細花甍映日長園橋多造士共仰錦  
雲裳

宸藻搖銀榜 天章煥講堂  
霓旌開日月 鳳吹落宮牆  
錯繡文茵展 流蘇玉佩長  
從臣皆拱立 肅穆整黃裳

鹵簿森前殿 威靈蔽後堂  
三英飛錦繡 九曲覆旂牆  
恩賚傳宣出 謹聲舞蹈長  
從茲素王服 羽葆配纁裳

春秋臺下宅 絲竹有虛堂  
華表攬檀路 皇覽孔子墓後有攬檀樹  
豐碑薜荔牆 賜租丹詔渥  
頒服紫茸長 遍覽周秦蹟  
苔花碧染裳

更稅圭門駕 來登廬墓堂  
玉輿停古道 珠勒繚

深牆落日三霄迴歸衢五父長兔溝晴水色歷歷  
照簪裳

姬聖存初廟軒楹對紀堂靈旗通一氣翼瓦映重  
牆肇祀皇衷切分茅世澤長几筵瞻仰近袞繡觀  
衣裳

雨中碧山堂招同館諸公飲時顓菴自中  
州至生州將視學秦中

積雨衝泥會故人高齋當暑似蕭晨十年冉冉看  
雙鬢百感茫茫集一身緱嶺仙人曾憩洛高陽才  
子正遊秦今朝佳宴逢休暇莫厭當筵酒醖頻



喜王顓菴宮贊至即席作歌贈之

往歲王郎送我出自譜詩篇擬束皙銜憂俄復聞  
祥琴五換星霜逢紫陌君年四十豪興偏對酒渾  
疑鯨吸川但說右軍脩禊飲已當謝掾擁旄年重  
過銅龍發深愾一官雞肋那堪味後來衮衮比積  
薪漫道群兒自相貴王郎爲我酌巨羅聽我擊缶  
嗚嗚歌老鬚飄蕭似蒲柳世風傾瀉如江河翕輟  
三公車八尺一經所得果孰多君不見鳳沼同遊  
二三子王湛狂癡耿恭死謂敷五又樸十五年間升復沈  
流光轉側如彈指君今甞勉承明廬我探林屋歸

休矣

憺園文集卷第七